

आकाशवाणी

खबरां -----

1. उपराश्ट्रपति जगदीप धनखड़ होंरें हाल च विधेयकें पर राश्ट्रपति हुंदे आसेआ फैसला लैने लेई समे दी हद तैय करने बारे सुप्रीम कोर्ट दे फैसले पर चैता प्रकट कीती ऐ।
2. सुप्रीम कोर्ट नै आखेआ ऐ जे 5 मई तोड़ी संशोधित कनून तैहत वक्फ बोर्ड जां केंद्री वक्फ कौंसल च कोई नमीं नियुक्ति नेई कीती जा।
3. केंद्री गृह मंत्री अमित शाह होंरें सी.आर.पी.एफ दे अमले दी तरीफ कीती ऐ। उनें आखेआ जे उंदी बहादुरी राश्ट्र दे इतिहास च अमर रौहग।
4. जलशक्ति मंत्री होंरें नमीं दिल्ली च ताजे पानी सरबंधी जैव बन्न-सबन्नता दे संरक्षण गी बढ़ावा देने लेई इक डिजिटल प्लेटफाम दी शुरूआत कीती ऐ।
5. संयुक्त राश्ट्र बपार ते विकास संगठन नै 2025 च भारत दी अर्थ बवस्था दे साइं 6 फीसदी बाद्दे दी दर कन्नै बदने दा अनुमान लाया ऐ।
6. ते भारत IBCA गी मूल ढांचे ते होरनें खर्चे लेई बजटीय सहायता उपलब्ध कराग।

<><><><><><><>

VP-Supreme-Court

उपराश्ट्रपति जगदीप धनखड़ होंरें हाल च राश्ट्रपति हुंदे विधेयकें पर फैसला लैने लेई समें दी हद तय करने बारै सुप्रीम कोर्ट दे फैसले पर चैंता जाहिर कीती ऐ। उनें आखेआ जे भारत नै ऐसे लोकवाद दी कल्पना नेई कीती ही, जित्थे जज कनून बनांबन, कार्यकारी कम्म करंगन ते सुपर पार्लियामेंट दे तौर पर कम्म करंगन। श्री धनखड़ होंरें अज्ज नमीं दिल्ली च उपराश्ट्रपति एन्क्लेव च राज्यसभा दे सखेतरुएं दे छेमें बैच गी संबोधित करदे होई एह गल्ल आकखीं उनें आखेआ जे सत्ता दा इस्तेमाल करदे बेल्लै व्यक्ति गी बड़ा मता संवेदनशील होना चाहिदा ऐ। उपराश्ट्रपति हुंदा एह बयान सुप्रीम कोर्ट आसेआ राश्ट्रपति ते राज्यपालें लेई विधेयकें पर सहमति देने लेई समा तय करने दे फैसले देने दे किश दिनें मगरा आया ऐ। श्री धनखड़ होंरें आखेआ जे लोकें आसेआ चुनी गेदी सरकार पार्लियामेंट दे प्रति जवाबदेह हुंदी ऐ ते कोई बी सोआल पुच्छी सकदा ऐ। उआं जेकर एह कार्यकारी शासन न्यापालिका दा होने पर कोई व्यक्ति कियां सोआल पुच्छी सकदा ऐ ते चुनां च कुसी जवाबदेह ठहराई सकदा ऐ।

<><><><><><><>

SC-Waqf

सुप्रीम कोर्ट नै अज्ज केंद्र सरकार दे उस यकीन दिहानी गी दर्ज कीता जे अगली सुनवाई तगर वक्फ तरमीमी कन्नून-2025 दे तैहत वक्फ बोर्ड या केंद्री वक्फ काउंसल च कोई नमी तैनाती या भर्ती नैई कीती जाग। प्रधान न्यायधीश संजीव खन्ना हुंदी अगुवाई आहली पीठे जस्टिस संजय कुमार ते के.वी विश्वनाथन हुंदे कन्नै सॉलीसीटर जनरल तुषार महता हुंदे इस आश्वासन पर बी गौर कीता गेआ जे मजूदा वक्फ संपत्तिं दी स्थिति, जेदे च इनें संपत्तिं गी इस्तेमाल करने आहलें आसेआ वक्फ दे रूपे च बक्ख-बक्ख श्रेणी च बंी गेदियां संपत्तियां बी शामिल न, फिलहाल उंदे च कोई बदलाव नैई कीता जाग। अदालतै केंद्र सरकार गी वक्फ कन्नून 1995 च हाल च कीती गेदिं तरमीमें दी संवैधानिक वैधता गी चनौती देने आहली ते रोक लाने दी मंग करने आहलिये अर्जिये पर 7एं दिनें दे अंदर-अंदर अपना जवाब दाखल करने दा बी निर्देश दिता ऐ। इनें अर्जिये दी गिनतरी केया मती होने दे कारण पीठे अर्जी दाखल करने आहलें कोला सुनवाई लेई 5 प्रमुख मामलें दी पन्छान करने लेई आखेआ गेआ ऐ। इनें मामलें दी सुनवाई हून 5 मई गी होग।

<><><><><><>

Puri-National Herald Case

भारतीय जनता पार्टी नै अज्ज आखेआ ऐ जे नेशनल हेराल्ड दा मामला भ्रष्टाचार ते धोखाधड़ी दा मामला ऐ। नियम कायदे लागू कराने सरबन्धी निदेशालय ई.पी नै इस मामले च कांग्रेस दियें सीनियर लीडर सोनिया गांधी ते राहुल गांधी हुंदे खलाफ दोष पत्र दायर कीता ऐ। केंद्री मंत्री ते भारतीय जनता पार्टी दे सीनियर लीडर हरदीप सिंह पुरी होरें अज्ज नमीं दिल्ली च एजेंसी दी कार्रवाई मगरा कांग्रेस दे विरोध-प्रदर्शन दी नुक्ताचीनी कीती। उनें आखेआ जे इस मामले च ई.पी दी मौजूदा जांच कोई नमीं गल्ल नेई ऐ। एह मामला भारतीय जनता पार्टी दे केंद्र च हकूमत च औने कोला बड़ा पैहलें बरे 2012-13 च शुरू होआ हा। पुरी होरें आखेआ जे कांग्रेस पार्टी नै इस मामले गी हर चाल्ली लटकाने ते पटरी परा तोआरने लेई अपने वकीलें दा इस्तेमाल कीता। उनें आखेआ जे इस मामले च तकरीबन 2 जहार करोड़ रपे दी जायदाद छड़ा 50 लक्ख रपे च अधिगृह्त कीती गई।

<><><><><><>

Shah-CRPF

केंद्री गृह मंत्री अमित शाह होरें अज्ज आखेआ जे केंद्री रिजर्व पुलस बल सी.आर.पी.एफ नै जम्मू-कश्मीर सने मुखै च रमानदारी बनाई रखने च इक

अहम रोल अदा कीता ऐ ते भविक्ख च बी एह बिल अपनी इस भूमिका गी असरदार ढंगै सिर निभाग। उनें आखेआ जे 31 मार्च 2026 तगर मुख्य थमां नक्सलवादिएं दा पूरी चाल्ली खात्मा करी देने दे केंद्र सरकार दे धेड़यै गी मूर्त रूप देने च बी सी.आर.पी.एफ महत्वपूर्ण रोल निभाग। अज्ज मध्य प्रदेश दे नीमच च आयोजित 86मीं सी.आर.पी.एफ दिवस परे कार्यक्रमें दौरान अपने संबोधनै च गृह मंत्री होरें सी.आर.पी.एफ दी बड़ी मती सिफत करदे होई आखेआ जे मुख्यै दी एकता ते अखंता गी बनाई रखने च बलै कदें कोई कसर नेई छोड़ी। अमित शाह होरें आखेआ जे जम्मू-कश्मीर च दफा 370 ढाए जाने दी प्रक्रिया दौरान बी उत्थै सी.आर.पी.एफ गी तैनात कीता गेदा हा ते ओहदे बाद उत्थै कोई हिंसा, प्रदर्शन या पत्थरबाजी नेई होग। उनें अग्गे उनें अग्गे आखेआ जे कनून बवस्था बनाई रखने दे अलावा कई प्रमुख आयोजनें दौरान बी अपनी जिम्मेदारी गी कामयाबी कन्ने तोड़ चाड़ेआ ऐ। भाएं ओह श्री अमरनाथ जी दी यात्रा होऐ, वैष्णो देवी यात्रा, श्री राम जनम भूमि दी रक्षा, कृष्ण भूमि दी सुरक्षा जां हाल च आयोजित महाकुम्भ।

<><><><><><><>

Jal Shakti

केंद्री जलशक्ति मंत्री सी.आर पाटिल होरें अज्ज नमीं दिल्ली च ताजे पानी सरबंधी जैव बन-सबन्नता दे संरक्षण गी बढावा देने लेई इक षिजिटल प्लेटफार्म दी शुरुआत कीती ऐ। मंत्री होरें गंगा गी साफ-सुथरा बनाने मतल्लक राश्ट्रीय मिशन दे तैहत जंगली जानवरें सरबंधी भारतीय संस्थान दी बक्ख-बक्ख परियोजनाएं दी जायजा मीटिंग दी अध्यक्षता कीती। एह प्लेटफार्म गंगा, कावेरी ते गोदावरी जनेही मुख भारतीय नदियें च भगौलिक संरचना, जैव बन-सबन्नता ते सामुदायिक भ्याली आहली गतिविधियें दे बारे च जानकारी देग। श्री पाटिल होरें इस मौके पर पानी मतल्लक जैव बन-सबन्नता गी बहाल करने, नदी दे स्वाथ्य च सुधार करने, मकामी समर्थ दे निर्माण ते हिफाजत करने च समुदायें गी शामिल करने लेई राश्ट्रीय स्वच्छ गंगा मिशन ते जंगली जानवरें सरबंधी भारतीय संस्थान दे कम्में दी तरीफ कीती।

<><><><><><><>

UNCTAD

संयुक्त राश्ट्र बपार ते विकास संगठन दी ताजा रिपोर्ट मूजब भारत 2025 च साङ्गे 6 फीसदी बाद्दे दी दर कन्नै सब्बनें कोला तेजी कन्नै बददी मठोंदी मुख अर्थ बवस्था बनेदा रौहग। दुए पास्सै दुनिया मंदी दे बक्खी बददी

नजरी आवा करदी ऐ। बपार ते विकास पूर्वानुमान रिपोर्ट 2025 च भारत गी उनें मुखें च शामिल कीता गेदा ऐ जेडे उच्च सरकारी खर्च ते मौद्रिक नीति प्रोत्साहन कन्ने विकास गी गति देआ करदे न। इस रिपोर्ट च चीन दी विकास दर 44 फीसदी रौहने दा अनुमान लाया गेदा ऐ।

<><><><><><>

CPI-March

खाने-पीने आहलिये चीजे दे मुल्ले च खरी मती कमी दे चलदे पिछले महीने भारत दी खुदरा महंगाई दर घटिये 3 इशारिया 3-4 फीसद पर आई गेई। सांख्यिकी ते कार्यक्रमे दी अमल आवरी सरबन्धी मंत्रालय मूजब अगस्त 2019 दे बाद साल दर साल दी बिनाह पर एह सब्बने शा घट्ट महंगाई दर ऐ।

<><><><><><>

PM-Yamuna

प्रधानमंत्री नरेन्द्र मोदी हारे अज्ज नमी दिल्ली च यमुना नदी दी मौजूदा स्थिति दा आंकलन करने आस्तै व्यापक समीक्षा बैठक दी अध्यक्षता कीती। बैठक च यमुना दी सफाई ते ओदी भविष्य सरबन्धी योजनाएं पर चर्चा कीती गेई। मोदी हारे सलाह दिती जे नालिये दे प्रवाह मापने दे कन्नो-कन्नी गंदे पानी गी परतिए इस्तेमाल करने जोग बनाने आहले संयंत्रे दी कार्यप्रणाली दी

निगरानी आस्तै भलेआं हेठली सतह पर असल आंकड़े किट्ठे करने आस्तै
बेहतरीन प्रौद्योगिकी दा इस्तेमाल कीता जाना लोड़चदा।

<><><><><><>

IBCA

भारत ते अंतरराष्ट्री बिग कैट एलायंस (IBCA) नै अज्ज नमीं दिल्ली च
हैक्वार्टर समझौते पर दस्तखत कीते न। विदेश मंत्रालय दे सचिव (पूर्व) पी.
कुमारन ते आई.बी.सी.ए दे महानिदेशक डॉक्टर एस.पी यादव होरें इस
समझौते दे तैहत भारत आई.बी.सी.ए मुख्यालय ते सचिवालय दी मेजबानी
करोग। सरकार इस समझौते तैहत आई.बी.सी.ए गी 2023-24 सवां 2028-
29 तोड़ी 5एं बरें लेई १०० करोड़ रपे दी बजटीय सहायता उपलब्ध कराग जेदे
च फंड निर्माण, मूल ढांचे दा निर्माण ते रैंकिंग खर्च शामिल होग। अंतरराष्ट्रीय
बिग कैट एलायंस दी शुरूआत प्रधानमंत्री नरेंद्र मोदी होरें 2023 च च मैसूरु
च प्रोजेक्ट टाइगर दे 50 बरे पूरे होने दे मौके पर लगगे दे प्रोग्राम च कीती
हीं

<><><><><><>

Coal-CIMS Portal

कोयला मंत्रालय नै बपार गी सखल्ला बनाने गी बढ़ावा देने ते आयात निगरानी प्लेटफार्मे गी इक चाल्ली दा बनाने गी यकीनी करने लेई कोयला आयात निगरानी सरिस्ते CIMS पोर्टल दे रजिस्ट्रेशन शुल्क गी युक्तिसंगत बनाया ऐ। रजिस्ट्रेशन शुल्क च संशोधन करियै 500 रपे फी खेप करी दिता गेआ ऐ। एह बदलाव इस म्हीने दी 15 तरीक सवां लागू होई जाग। CIMS दा मकसद कोयला आयात निगरानी च पारदर्शिता ते समर्थ गी निग्गर बनाना ऐ। मंत्रालय नै आखेआ जे एह पहल आत्मनिर्भर भारत यकीनी करने दे सरकारी दृष्टिकोण च इक महत्वै आहला संगेमील ऐ।

<><><><><><><>

Rajnath-Defence

रक्षा मंत्री राजनाथ सिंह होरें अज्ज आखेआ ऐ जे भारत दा रक्षा क्षेत्र आत्मनिर्भरता दी बतै पर अगड़े बधै करदा ऐ ते दुनिया च रक्षा उत्पादनं दे निर्यात च एहदी छमता उप्परोतली बधदी जा करदी ऐ। नमीं दिल्ली च प्रिंसेस कन्क्लेव फोर्स ऑफ द फ्यूचर दा उद्घाटन करदे मौके अपने संबोधनै च राजनाथ सिंह होरें आखेआ जे सरकार रक्षा क्षेत्र दिएं छमताएं गी बधाने पर विशेष ध्यान देआ करदी ऐ। उनें आखेआ जे नरेंद्र मोदी सरकार नै

थेआरबंद बलें गी भलेआं अज्जै-कल्लै दिएं तकनीकें ते सुविधाएं कन्नै लैस करने दे कन्नोकन्नी रक्षा क्षेत्र च आत्मनिर्भरता पर बी ध्यान केंद्रित कीता ऐ। उनें आखेआ जे रखा क्षेत्र च आत्मनिर्भरता गी होर बढ़ावा देने लेई मंत्रालय नै 2025 गी सुधार आहला बरा घोषित कीता ऐ। इस सम्मेलन दा मकसद भारत दे उभरती रक्षा क्षेत्र छमता बारै हर पैहलु पर चर्चा करना ऐ।

<><><><><><>

Iran-America

ईरान दे विदेश मंत्री सैयद अब्बास अराधची होरें आखेआ ऐ जे ईरान यूरेनियम दे इस्तेमाल ते इसी बढ़ावा देने पर कोई समझौता नेई कीता जाग। सरकारी समाचार अजेंसी आई.आर.एन.ए मूजब बराधची हुंदी एह टिप्पणी कल मंत्रिमंाल समिति दी बैठक दे बाद आई ऐ। उनें पिछले हफ्ते ओमान च ईरान ते अमरीका बश्कार होई दी अपरतकख गल्लबात दे पैहले दौर दे बाद ईरान दे परमाणु कार्यक्रम ते यूरेनियम दे इस्तेमाल ते इसी बढ़ावा देने पर अमरीका दे अधिकारिं बश्कार सैहमति नेई बनने ते पैदा होई विरोधाभास आली स्थिति पर प्रतिक्रिया दिंदे होई एह टिप्पणी कीती ऐ।

<><><><><><>

IPL

आईपीएल क्रिकेट च मुंबई दे वानखेडे स्टेडियम च अज्ज सनाराइजर्स हैदराबाद दा मकाबला मुंबई इंडियन्स कन्ने होग। मैच संजा साडे 7 बजे शुरू होग। तोआई कल संजा दिल्ली दे अरुण जेटली स्टेडियम च खेडो गेदे इक मैच च दिल्ली कैपिटल्स नै राजस्थान रॉयल्स गी दिलचस्प सुपर ओवर च हराई दिता। पैहले बल्लेबाजी करदे होई दिल्ली दी टीम नै 20एं ओवरें च 5 विकेटें दे नुकसान पर 199 रंज बनाए जेहदे परते च राजस्थान रायल्स नै बी पूर 20एं ओवरें च 4 विकेटें दे नुकसान पर 188 रंज बनाए, मैच टाई होई गेआ। आईपीएल दे नियमें मूजब फही सुपर ओवर कराया गेआ जेहदे च राजस्थान छडे 11 रंज गै बनाई सकेआ ते दिल्ली कैपिटल्स नै 4 गेदें च गै जित्त अपना नां करी लैती। इस सीजन दा एह पैहला मैच हा जेहदे दवै टीमां बरोबरी पर रेड्यां ते सुपर ओवर कराना पेआ।

<><><><><><>

Cricket-Olympics

2028 च लास एंजेलिस च खेड्डी जाने आहली ओलंपिक खड्डें च क्रिकेट पोमोना दे फेयर ग्राउंड च बनाए गेदे इक आरजी स्टेडियम च खेड्या जाग। आयोजन समिति नै इस गल्लै दी घोषणा कल कीती ऐ। पोमोना फेयरग्राउंड दक्खन कैलीफोर्निया च लास एंजेलिस कोला 50 किलोमीटर दे छिंो पर ऐ।

<><><><><><>